



Concello de Cangas

Expediente núm.: 5811/2025

Procedemento: SUBVENCIÓN DEPUTACIÓN “+EMPREGA NOS CONCELLOS 2025” PARA

FINANCIAR CONTRATOS FORMATIVOS

Asunto: Publicación das bases do proceso selectivo.

PUBLICACIÓN: Aprobadas por decreto da Alcaldía Número: 2025-2378 de data: 16/12/2025 a convocatoria e as bases do proceso de selección de tres persoas técnicas superiores universitarias cos requisitos de titulación de Grao en Dirección e xestión pública ou Grao en Ciencias xurídicas das administracións públicas ou Grao en Dereito , co fin de que adquiren a práctica profesional adecuada ao nivel de estudos cursados e favorecer a súa inserción no mercado laboral, ao abeiro da subvención outorgada por acordo da Xunta de Goberno da Deputación Provincial de data 31/10/2025, (EXPTE.2025050276), dentro da tramitación do proxecto da Deputación Provincial de Pontevedra “+Emprega nos concellos 2025”, de acordo co disposto nas mesmas procédese á súa publicación:

<<BASES PARA A SELECCIÓN DE TRES PERSOAS TRABALLADORAS AO ABEIRO DO PROGRAMA DA DEPUTACIÓN PROVINCIAL DE PONTEVEDRA DE FOMENTO DA EMPREGABILIDADE “+EMPREGA NOS CONCELLOS” 2025.

PRIMEIRA.- OBXECTO, RÉXIME DE CONTRATACIÓN, SISTEMA DE SELECCIÓN E PUBLICIDADE DA CONVOCATORIA

O obxecto das presentes bases é a selección e posterior contratación polo Concello de tres persoas técnicas superiores universitarias cos requisitos de titulación de Grao en Dirección e xestión pública ou Grao en Ciencias xurídicas das administracións públicas ou Grao en Dereito, co fin de que adquiren a práctica profesional adecuada ao nivel de estudos cursados e favorecer a súa inserción no mercado laboral, ao abeiro da subvención outorgada por acordo da Xunta de Goberno da Deputación Provincial de data 31/10/2025, (EXPTE.2025050276), dentro da tramitación do proxecto da Deputación Provincial de Pontevedra “+Emprega nos concellos 2025”, que ten como principal obxectivo promover a inclusión social e o desenvolvemento económico e social da provincia a través da creación de emprego de calidade do fomento da empregabilidade da cidadanía.

As funcións a desenvolver polas persoas contratadas serán as propias da titulación requirida dentro do ámbito da área á que sexan asignadas.

A contratación, de acordo co disposto nas Bases da Deputación aprobadas e publicadas no BOPPO núm. 156 de 19 de agosto de 2025, será de carácter laboral e temporal a tempo completo, na modalidade de contrato formativo para a obtención de practica profesional axeitada ao nivel de estudos cursados por un período de 1 ano a partir da súa sinatura e coas retribucións establecidas na





valoración que figura incorporada ao expediente de tramitación da subvención.

Coas persoas aspirantes que pola nota final non acadasen praza, confeccionarase unha listaxe de reserva para a posible cobertura das baixas ou renuncias que se puideran producir entre o persoal que si resultase seleccionado, adxudicándose a contratación seguíndose a orde de prelación na que quedasen situadas de acordo coa puntuación final acadada.

O proceso de selección desenvolverase cumprindo cos criterios de selección estipulados no Anexo II das mencionadas Bases da Deputación aprobadas e publicadas no BOPPO núm. 156 de 19 de agosto de 2025. A tal efecto o sistema de selección efectuarase por concurso de méritos segundo os criterios establecidos no citado Anexo II .

As presentes bases estarán expostas ao público no taboleiro de anuncios do Concello, na súa sede electrónica e de xeito complementario na páxina web do Concello durante o período de presentación de instancias, co fin de posibilitar a presentación de reclamacións ou suxestións. A sede electrónica do concello será igualmente o medio para dar publicidade a todas notificacións dos actos que deriven do proceso selectivo iniciado coas presentes bases.

SEGUNDA.- REQUISITOS DAS PERSOAS ASPIRANTES

Para ser admitidas no proceso selectivo as persoas aspirantes deberán reunir os seguintes requisitos:

- a) Ter nacionalidade española ou algunha outra que, consonte o disposto no artigo 52 da Lei 2/2015, do 29 de abril, do emprego público de Galicia, permita o acceso ao emprego público.
- b) Posuír algunha das seguintes titulacións universitarias requiridas para as 3 prazas convocadas, para as que as persoas aspirantes foran preseleccionadas pola Oficina de Emprego de Cangas:
Grao en Dirección e xestión pública ou Grao en Ciencias xurídicas das administracións públicas ou Grao en Dereito.
- c) Non ter sido despedida mediante expediente disciplinario de ningunha administración pública ou dos órganos constitucionais ou estatutarios das comunidades autónomas, nin atoparse na situación de inhabilitación absoluta ou especial para o desempeño de empregos ou cargos público por resolución xudicial, cando se trate de acceder a mesma categoría á cal se pertencía. No caso de nacionais doutros estados, non estar inhabilitada ou en situación equivalente, nin ter sido sometida a sanción disciplinaria ou equivalente que impida no Estado de procedencia o acceso ao emprego público nos termos anteriores.
- d) Ter cumpridos os dezaseis anos de idade e non exceder, de ser o caso, a idade máxima de xubilación forzosa.





- e) Posuír as capacidades e aptitudes físicas e psíquicas que sexan necesarias para o desempeño das correspondentes funcións ou tarefas asociadas ao posto.
- f) Estar inscrita como demandante de emprego ou en mellora de emprego no Servizo Público de Emprego e ser remitida por este servizo para participar neste proceso selectivo, debendo cumprir cos requisitos necesarios para a formalización dun contrato formativo para a obtención de practica profesional axeitada ao nivel de estudos, así como con todos os requisitos establecidas nas bases polas que se rexe a subvención (BOPPO núm. 156 de 19 de agosto de 2025).
- g) Estar empadroada nalgún dos concellos da provincia de Pontevedra con anterioridade á data de publicación da propia convocatoria no BOPPO.
- h) Que no momento da contratación non transcorresen máis de tres anos, ou máis de cinco cando o contrato se realice cunha persoa con discapacidade, desde a terminación dos correspondentes estudos.
- i) Que non tivese experiencia profesional nin realizase ningunha actividade formativa na mesma actividade dentro da entidade por un tempo superior a tres (3) meses, sen que se computen, para estes efectos, os períodos de formación ou prácticas que formen parte do currículo esixido para obter a titulación que habilita esta contratación.
- j) Que non estea contratada en prácticas no momento da selección nalgún dos programas que contemplan contratos en practicas ou formativos da Deputación de Pontevedra.
- k) Non ter con anterioridade un contrato na mesma ou en distinta entidade en virtude da mesma titulación nin tampouco na mesma entidade para o mesmo ou distinto posto, aínda que fose mediante unha titulación distinta.

TERCEIRA.- ADMISIÓN DAS PERSOAS ASPIRANTES.

Segundo o mencionado *Anexo II*, “o proceso de selección consistirá en valorar os méritos acreditados polas persoas preseleccionadas polo Servizo Público de Emprego” e levarase a cabo conforme aos criterios nel estipulados.

Con tal motivo a listaxe de persoas admitidas, que se aprobará por resolución de Alcaldía tralo remate do período de presentación de instancias, estará constituída por esas persoas preseleccionadas que tivesen formalizada a súa solicitude de participación. Por tanto, con carácter previo o Concello de Cangas terá solicitado as persoas aspirantes mediante a presentación da respectiva oferta de emprego na Oficina de Emprego de Cangas, de acordo coas directrices establecidas nas bases reguladoras da subvención e segundo os criterios fixados no seu anexo II. De seguido a Oficina de Emprego de Cangas realizará as sondaxes de persoas demandantes ás que se lles comunicará a existencia desta oferta de emprego para que poidan concorrer, convocándoas a unha reunión que terá lugar no Concello de Cangas e na que se lles facilitará información sobre a convocatoria e





o modelo de instancia para solicitar a súa participación, así como sobre a documentación que deben presentar para ser admitidas e outra documentación que desexen presentar para que se lles valore no concurso.

As persoas aspirantes remitidas pola Oficina de Emprego que desexen tomar parte nas probas selectivas deberán formalizar a súa solicitude no modelo de instancia que se lles facilitará e que acompañarán da documentación a valorar de acordo coas bases do anexo II antes citado, que será presentada con data límite a que se fixe na antes referida reunión que terá lugar no Concello.

Este modelo de instancia inclúe o modelo de declaración polo que se fai constar expresamente o cumprimento dos requisitos establecidos na base segunda, sen prexuízo de que ao final do proceso selectivo se deba acreditar documentalmente ese cumprimento. Non obstante deberá procederse a esta acreditación en calquera momento anterior se así o esixe o Negociado de Persoal do Concello ou o Tribunal de selección.

O feito de figurar incluído na relación persoas aspirantes remitidas polo Servizo Público de Emprego e por tanto admitidas ao proceso, non prexulga que se lle recoñeza ás persoas interesadas a posesión dos requisitos esixidos no proceso selectivo convocado os cales deberán ser xustificados documentalmente no suposto de que as persoas aspirantes admitidas superen a proba selectiva. O Concello poderá requirir en calquera momento a comprobación de estar en posesión dos requisitos da convocatoria establecidos nas presentes bases e excluír do proceso a calquera persoa aspirante que non reúna ditos requisitos.

CUARTA.- TRIBUNAL CUALIFICADOR

O tribunal que xulgará as probas terá por obxecto garantir e supervisar o correcto desenvolvemento do proceso en tódalas súas fases. Estará composto por cinco membros. Non poderá constituírse sen a asistencia como mínimo de tres dos seus membros titulares ou suplentes.

Os membros titulares e suplentes terán igual ou maior titulación ca esixida aos aspirantes á praza convocada, e terán voz e voto.

Os membros do tribunal deberán absterse de intervir, comunicándolle á Alcaldía cando concorra neles algunha das circunstancias previstas no artigo 23 da Lei 40/2015 de 1 de outubro de Réxime xurídico do sector público.

Así mesmo, as persoas aspirantes poderán recusar aos membros do Tribunal cando nos mesmos concorra algunha das circunstancias previstas para a abstención de conformidade co establecido no art. 23 e 24 da Lei 40/2015, de 1 de Outubro, de Réxime xurídico do sector público.

A composición efectiva do tribunal farase pública no Taboleiro de Anuncios da Casa do Concello, integrando a resolución pola que se publique a lista provisional de persoas admitidas e excluídas ao proceso selectivo, co fin de posibilitar a formulación de recusación contra os membros da comisión de selección.





Concello de Cangas

O Tribunal poderá contar coa colaboración dunha persoa asesora externa que considere oportuna, que actuará con voz e sen voto, limitándose a prestar súa colaboración nas súas especialidades técnicas.

QUINTA.- FORMA DE DESENVOLVEMENTO E SISTEMA DE CUALIFICACIÓN

A selección desenvolverase de acordo cos criterios de selección estipulados no citado Anexo II das Bases da Deputación aprobadas e publicadas no BOPPO núm. 156 de 19 de agosto de 2025

As puntuación finais do concurso de méritos serán publicadas na sede electrónica e na páxina web do Concello de Cangas, así como en formato papel no seu taboleiro situado no edificio da casa consistorial, e os contratos coas tres persoas seleccionadas serán formalizados na data fixada pola resolución de outorgamento da subvención, 15 de xaneiro de 2026.

SEXTA.- PROTECCIÓN DE DATOS DE CARÁCTER PERSOAL

De acordo co disposto na Lei Orgánica 3/2018, do 5 de decembro, de Protección de Datos Persoais e garantía dos dereitos dixitais, os datos de carácter persoal que se faciliten para a participación no presente proceso de selección de persoal incorporaranse a un ou varios ficheiros, cuxo responsable é o Concello de Cangas, onde as persoas aspirantes poderán exercer en todo momento os dereitos de acceso, rectificación e cancelación. Mediante a participación no presente proceso selectivo, as persoas aspirantes ao mesmo, consenten o tratamento dos seus datos persoais coa finalidade de levar a cabo a selección de persoal, o rexistro de solicitudes, a cualificación de probas, a avaliación das persoas aspirantes, así como a provisión do posto. Igualmente, as persoas aspirantes prestan o seu consentimento para que os seus datos persoais sexan comunicados mediante a súa exposición no Boletín Oficial da Provincia de Pontevedra e no taboleiro municipal (físico e electrónico), a efectos de dar a publicidade esixida ao procedemento de selección, aos representantes dos/as traballadores/as, así como aquelas cesións autorizadas nunha norma con rango de Lei.

SÉTIMA . DISPOSICIÓN FINAL

As presentes bases e cantos actos administrativos deriven das mesmas e das actualizacións do tribunal de selección, poderán ser impugnados nos casos e na forma establecidos pola Lei 39/2015, de 1 de outubro, de procedemento administrativo común das Administracións Públicas e polo disposto nas presentes bases.

Así mesmo a administración municipal poderá, no seu caso, proceder á revisión das resolucións dos tribunais conforme ó previsto na devandita Lei 39/2015, de 1 de outubro, de procedemento administrativo común das Administracións





Concello de Cangas

Públicas.

Cod. Validación: 673KNWF5YYZMET9L6QFGFZPQX
Corrección: <https://cangas.sedelectronica.gal/>
Documento asinado electronicamente desde a plataforma xestiona esPublico | Páxina 6 a 8

Concello de Cangas

Avenida de Castelao, 2, Cangas. 36940 (Pontevedra). Tfno. 986300050. Fax: 986304850





Concello de Cangas

ANEXO I

INSTANCIA PARA PARTICIPAR NO PROCESO DE SELECCIÓN DE TRES PERSOAS TRABALLADORAS, PREVIAMENTE PRESELECCIONADAS POLO SERVIZO PÚBLICO DE EMPREGO, QUE POSÚAN A TITULACIÓN UNIVERSITARIA REQRIDA NESTAS BASES, AO ABEIRO DO PROXECTO DA DEPUTACIÓN PROVINCIAL DE PONTEVEDRA DE FOMENTO DA EMPREGABILIDADE “+EMPREGA NOS CONCELLOS 2025”.

APELIDOS,

NOME:
.....

TELÉFONO:

DNI:

ENDEREZO:
.....

ENDEREZOELECTRÓNICO:
.....

SOLICITA participar no proceso selectivo indicado no encabezamento, convocado polo Concello de Cangas ao abeiro da subvención outorgada por acordo da Xunta de Goberno da Deputación Provincial de data 31/10/2025, (EXPTE.2025050276), dentro da tramitación do proxecto da Deputación Provincial de Pontevedra “+Emprega nos concellos 2025”, as bases do cal publicáronse no BOPPO núm. 156 de 19 de agosto de 2025, achegando xunto coa presente instancia a documentación que desexo que sexa tida en conta polo Tribunal de acordo coas bases da convocatoria.

Por medio da presente a persoa que asina esta solicitude de participación DECLARA:

- Que cumpre cos requisitos necesarios para a formalización dun contrato formativo para a obtención da práctica profesional axeitada ao nivel de estudos.
- Que non se atopa incurso en ningunha causa de incompatibilidade ou incapacidade que determine a lexislación vixente.
- Que non foi separada mediante expediente disciplinario do servizo de calquera das administracións públicas.
- Que non se atopa inhabilitada para o exercicio das funcións públicas.
- Que cumpre todos os requisitos esixidos na convocatoria (en particular os expostos na base segunda).

Cangas, dede 2025

ASINADO. :

DOCUMENTACIÓN QUE PRESENTA XUNTO CON ESTA INSTANCIA DE PARTICIPACIÓN:

- A presente instancia, **cuberta na súa totalidade e asinada.**

Cod. Validación: 673KNWF5YYZMET9L6QFGFZPQX
Corrección: https://cangas.sedelectronica.gal/
Documento asinado electronicamente desde a plataforma xestiona esPublico | Páxina 7 a 8





Concello de Cangas

- Fotocopia do D.N.I.
- Fotocopia da titulación esixida Grao en Dirección e xestión pública ou Grao en Ciencias xurídicas das administracións públicas ou Grao en Dereito.
- Vida laboral actualizada (no caso de non ter traballado con anterioridade, informe negativo de afiliación)
- Acreditación de empadramento nalgún dos concellos da provincia de Pontevedra
- Documentación que será obxecto de valoración (expediente académico no que se especifique a nota media acadada na titulación, no seu caso doutoramento relacionado co contido do posto, títulos oficiais de *máster* relacionados co posto, outras titulacións académicas relacionadas co posto, cursos oficiais relacionados co posto, coñecemento da lingua galega).>>

O que se publica aos efectos oportunos.

DOCUMENTO ASINADO Á MARXE

